



BASES

XX DESCENSO DO ANLLÓNS

SAN XOÁN 2017

Co obxecto de recuperar o protagonismo que o Río Anllóns ten na celebración das Festas de San Xoán e ofertar actividades que combinen o carácter lúdico co participativo, a Asociación Cultural San Xoán, entidade organizadora destas Festas, convoca o XX Descenso do Anllóns, no que poderán participar todos aqueles equipos que cumpran as seguintes bases:

PRIMEIRA.- Poderán concorrer os equipos compostos por tres ou máis membros que se inscriban no **Museo de Bergantiños** (981 702 077) antes das 13.00 h do **día 20 de xuño de 2017**. Coa inscrición cada equipo deberá entregar unha declaración na que farán constar que coñecen o percorrido, que aceptan as bases deste concurso, que cumprarán coas normas de seguridade que se establezan e que eximen de responsabilidades á organización polos accidentes ou danos que puideran ocasionar ou que puideran sufrir os membros da embarcación. Os/as menores de idade entregarán tamén unha declaración asinada polo pai, nai, titor/a, autorizándoas/os a participar. Estes impresos facilitaráselle coa inscrición. As/os menores de 6 anos non poderán participar no descenso. As/os menores con idades comprendidas entre 6 e 10 anos deberán ir acompañados por un adulto cada catro nenas/os.

SEGUNDA.- As embarcacións deberán estar construídas artesanalmente e poderán ser propulsadas por calquera medio (remo, pedais, etc.), exceptuando a propulsión mecánica a motor. Recoméndase que as/os participantes leven os pés e o corpo cuberto co fin de evitar rozaduras e dispoñan de prendas secas para cambiarse ao final do percorrido.

Durante o percorrido os membros da embarcación manterán unha conducta respetuosa co río e co seu contorno e procurarán non causarlle ningún dano preservando o medio natural. Non poderán deixar restos da embarcación no río. No caso de que algunha parte desta se desprenda os participantes serán responsables da súa retirada do cauce do río e das súas inmediacións.

As embarcacións deberán ser construídas expresamente para dita proba e non poderán ser empregadas para a navegación noutras ocasións sen cumprir co Protocolo de Desinfeccións de Embarcacións.

TERCEIRA.- As/os participantes deberán percorrer o tramo do Río Anllóns comprendido entre o inicio do **Bosque do Añón (Ponte de Bértoa)** e o **Parque do Anllóns**. No circuito haberá varias metas voantes e os participantes deberán efectuar varias probas de habilidade.

O Descenso farase o día **25 de xuño a partir das 18.00 horas**.

CUARTA.- É obrigatorio que, como mínimo, a metade dos membros de cada embarcación permanezan sobre ela durante todo o percorrido. De ser imprescindible para salvar algún obstáculo determinado, permitirase o descenso de todos os membros só durante trinta segundos. O xurado poderá decidir se o incumprimento dá lugar ou non a algunha penalización ou descalificación.

QUINTA.- Haberá dúas metas. Na primeira, no inicio do Parque do San Martiño, puntuarase a velocidade da embarcación, e na segunda, no Parque do Anllóns, a súa orixinalidade e a simpatía da tripulación. Para a valoración da embarcación e da tripulación teranse en conta tamén, aínda que de forma secundaria, o seu estado ao inicio do percorrido. As embarcacións que non alcancen a segunda meta nun tempo máximo de 90 minutos, poderán ser descalificadas, se o xurado así o considera oportuno.

SEXTA.- As **25 primeiras embarcacións inscritas** que finalicen o percorrido no tempo establecido, recibirán unha **subvención** por un importe de **40 €**.

SÉTIMA.- O xurado estará composto por membros da Comisión de Festas ou persoas designadas por esta.

OITAVA.- As embarcacións que cheguen á meta optan aos seguintes premios que se sinalan a continuación, podendo o xurado deixar deserto algún deles se o estima oportuno:

1º Premio á embarcación máis orixinal: 300 €

2º Premio á embarcación máis orixinal: 200 €

3º Premio á embarcación máis orixinal: 125 €

1º Premio á tripulación máis simpática: 200 €

2º Premio á tripulación máis simpática: 100 €

Premio ás probas de habilidade: 100 €

Premio patrocinado por ALQUILERES RENEYMAR

Premio á embarcación máis veloz: 100 €

Premio patrocinado por CASA FRANCISCO

O xurado poderá outorgar accésits por un valor de 250 €

Colabora Mercadona

NOVENA.- A entrega das subvencións e dos premios de participación nesta convocatoria realizarase con posterioridade á celebración do descenso.

DÉCIMA.- A participación nesta convocatoria supón a plena aceptación destas bases.

ORGANIZA: COMISIÓN DE FESTAS SAN XOÁN 2017
COLABORA: CONCELLO DE CARBALLO

INSCRICIÓN ATA O 20 DE XUÑO
MUSEO DE BERGANTIÑOS

de martes a venres de 11.30 a 14.00 h e de 17.00 a 19.30 h
sábados e domingos de feira de 11.30 a 14.00 h

SUBVENCIÓN 40 €
PARA AS 25 PRIMEIRAS
EMBARCACIÓNS INSCRITAS

2.375 €
EN PREMIOS E
SUBVENCIÓN